

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXXXV.

[urn:nbn:de:bsz:31-122751](#)

Ex Literis D. Laurentii Tuppii,

^{ad}

Michaelem Gisium.

de Galliae statu, in hoc tempore perturbatissimo, longum
esset & lamentabile perscribere, ut postremus Valesiae familiae Rex Henricus, superiore Julio Mense miserabiliter perierit, cultro venenato interfectus a Monacho vilissimo, quem imprudens in colloquium solus admiserat solum. Paulo ante hanc tragœdiam versiculi quidam fatidici circumferebantur, quos aijunt repertos fuisse in Monasterio ad Sanctum Victorem propè Lutetiam, scriptos ante annos sesquicentum, eos subjicio, ut ipse annotavi mensis aliquot ante tragicum Regis casum :

Dum Rex Henricus regnabit, origine natus,
Hic Rex, bis factus tam re quam nomine dictus,
Lilia vir fortis propriis evellet ab hortis,
Rex cadet & vulgus militia Francica Clerus,
peste fameque siti flammâ ferroque peribunt.

Literæ scriptæ Calend. Septembr. c. I. LXXXIX.

LXXXVI.

Laurentio Tuppio.

Cum primum scribendi ad te mihi data fuit occasio, Clarissime Domine Doctor, nolui eam negligere, sed te certiorum facere, de mea profectione & de statu meorum negotiorum. Veni Augustam salvus & incolumis quarto Calend. Septembr. itinere non usque adeò commodo, cum propter nimios calores, tum longitudinem miliarium, quæ in agro Wirtembergensi sunt. Addo etiam diversoria, in quibus si à morositate atque avaritia quis recesserit, quæ commendet, pauca repetiet. Sed omnem mihi molestiam urbis ipsius aspectus absentes, quæ omnibus iis à rebus præclarè instructa parataque videtur, quibus benè constitutæ florentisque alijcujus Reipublicæ felicitas aestimari solet. Solum circa Urbem cum primis bonum ac fertile est, tantaque ubertate atque copia fruges & fructus profert, ut nihil ipsi defesse videatur, quam vinum, quod tamen abunde advehitur. Nihil ego de ædificiis scribo privatis, nihil de palatiis magnificis, in quibus summa splendorem & magnificientiam cives adhibent, nihil de munditie, nihil de conviviis sumptuosis, silentio venustatem involvo, prætereo comitatem, omitto familiaritatem & festivitatem,

quibus